

სახალხო განათლება+

„ქვეყნად არცერთი ბრკანი არ იყო, მასწავლებელი არა ჰყოლოდა.“
იოსებ ნონეშვილი

№ 6 (4503) • 10 დეკემბერი • 2014 წელი • გაზეთი გამოდის ოთხშაბათობით • ფასი 80 თეთრი •

49-ე სკოლებმა მოხუცებულები გაასარეს



კეთილი სტუმრები.

მისასალმებელია განათლების სამინისტროს მიერ შემუშავებული პროექტი, რომელიც სკოლებში აღზრდობითი საქმიანობის გააქტიურებისკენ არის მიმართული. მისი მიზანია მოსწავლე ახალგაზრდობაში ტოლერანტობის, ჰუმანურობის, სხვა მალაღამიანური თვისებების აღზრდა. ამ მხრივ საჯარო სკოლებმა მეტად ეფექტიანი ღონისძიებები უკვე ჩაატარეს. მოგიხსნათ ერთ-ერთ მათგანზე.

ბარნოვის აღმართს რომ აუყვები, პატარა, ლამაზი შენობას მოჰკრავთ თვალს, რომელიც ძველებური არქიტექტურითა და სილამაზით გამოირჩევა, ეს თბილისის 49-ე საჯარო სკოლაა. იგი მცირეკონტიგენტისაა, სულ რაღაც სამი სართულია. შესვენებებზე ბავშვების ჟრიაბული ხალისობს. შეაბიჯებთ თუ არა 49-ე სკოლის დერაფანში, გგონიათ, თითქოს საკუთარ სახლში ხართ.

სკოლის მთელი კოლექტივი ორიენტირებულია საამაყო, განათლებული, ჯანსაღი აზროვნების მომავალი თაობის აღზრდაზე. ამ სკოლაში ახალგაზრდები არ იღებენ მხოლოდ განათლებას, ისინი ასევე იძენენ ცხოვრებისათვის საჭირო უამრავ უნარ-ჩვევას, გამოცდილებას.

ამ მიზნის მისაღწევად 49-ე სკოლის მიერ განხორციელებულ პროექტზე ვისაუბროთ, რომელიც ჰუმანურობის და

ქველმოქმედების საუკეთესო მაგალითია.

ყველაფერი იმით დაიწყო, რომ სკოლაში გაჩნდა იდეა წამოეწყო პროექტი სახელწოდებით „ჰუმან ინცლუსივე ჰუგ“. ამ ყველაფრის მიზანი კი მოხუცების დახმარება იყო. თავიდან პროექტი განვითარდა როგორც „ერთი კარტოფილისა და ერთი კანფეტის აქცია“. აქციის ფარგლებში მოსწავლეებს სურვილისამებრ უნდა მოეტანათ ერთი კარტოფილი და ერთი კანფეტი, შეგროვილი პროდუქტით კი მოხუცებს დახმარებოდნენ. თუმცა



კეთილ მოხუცებულთან.

პროექტმა სხვა მოულოდნელი მსვლელობა მიიღო, როდესაც სასკოლო საზოგადოების გულისხმიერებამ ყოველგვარ

კეთილი მოცეკვავეები.



ქველმოქმედება უმაღლესი ადამიანური ფასეულობაა

მოლოდინს გადააჭარბა. რა თქმა უნდა, ერთი კარტოფილისა და ერთი კანფეტის მოტანით არავინ დაკმაყოფილდა. მშობლებმა, მოსწავლეებმა და მასწავლებლებმა „ბარაქის კალათა“ შეავსეს კარტოფილით, მაკარონით, ზეთით, ნიწიბურათი და სხვა პროდუქტებით.

აქციის ორგანიზატორების, სპეციალური საგანმანათლებლო საჭიროების პედაგოგების, რუსუდან ხოშარაულის და მარია ჯიქიას სინარულს საზღვარი არ ჰქონდა, როდესაც მათ დაინახეს რაოდენ დიდი გამოხმარება ჰყოვა ამ აქციამ სასკოლო საზოგადოებაში.

მოსწავლეებმა სურვილი გამოთქვეს, მოხუცების გასახალისებლად კონცერტი

დააწერეს.

მთელი სკოლა დაირაზმა და გაემართა წმინდა გაბრიელ ბერის სახელობის მოხუცებულთა სახლისაკენ. ეს იყო ძალიან ემოციური, სასიხარულო და სევდიანი შეხვედრა. ფერადი ბუმბუტებითა და პლაკატებით ხელდამშვენებული მოსწავლეები მოხუცებულთა სახლისაკენ გაემართნენ, სადაც მათ 38 ბინადარი ელოდათ.

გულისამაჩუყებელი შეხვედრა გაიმართა. მასწავლებლებმა და მოსწავლეებმა მოხუცებს კანფეტები მიართვეს, შემდეგ კი მოსწავლეებმა სპეციალურად მომზადებული საცეკვაო და მუსიკალური ნომრები შეასრულეს. კონცერტის დასას-



კეთილი მომღერლები.

მომზადებინათ, ამ სურვილის ასრულებაში მათ რა თქმა უნდა უპირველესად სკოლის დირექტორი, ქალბატონი ეკატ-

რულს 49-ე საჯარო სკოლის დირექტორმა ეკატერინე ცაავამ შეკრებილ საზოგადოებას სიტყვით მიმართა, მათ მადლობა გადაუხადა განუული ქველმოქმედებისათვის და მისიყვარულა მოხუცებს.

მასპინძლები ზემოთ სართულისაკენ გაგვიძღვნენ, სადაც მწოლიარე მოხუცები იმყოფებიან. მოსწავლეებმა მათ გასახალისებლად ხელმეორედ შეასრულეს საკონცერტო ნომრები.

გულისამაჩუყებელი დამშვიდობების შემდეგ კი, ემოციურად დატვირთული სტუმრებიცა და მასპინძლებიც ერთმანეთს გამოემშვიდობნენ.

49-ე საჯარო სკოლისათვის კი ეს აქცია არ იქნება ერთჯერადი სახის და, როგორც სკოლის ადმინისტრაცია აცხადებს: ისინი მზად არიან კვლავ გაიმეორონ, კვლავ იყვნენ ინიციატორები მსგავსი პროექტებისა.

49-ე საჯარო სკოლა მსგავს აქციაში იწვევს სხვა სასწავლო დაწესებულებებს და ელოდება, როდის ჩაატარებენ ისინი საქველმოქმედო ღონისძიებებს.

მარიამ კვიციანი, საინფორმაციო მენეჯერი

მკითხველთა საყურადღებოდ!

გაზეთის გამოსაწერად მიმართეთ პრესის გავრცელების სააგენტოებს: „საქპრესა“ - გურამიშვილის გამზ. 64, ტელ.: (032) 2 518 518, „მადნე“ - საირმის ქ. კორპ N 4, ტელ.: 2 14 74 22.

„ასლები იმედებს გაბვიმართლებენ“

მეტრო „ნაძალადევიან“ ტრასას რომ გადაკვეთთ, ულამაზეს სკოლას მიადგებით. ნომერი „ცხრიანი“ ამშვენებს მის ფასადს. იგი შიგნით უფრო მომხიბლავია მონესრიგებული ინფრასტრუქტურით. ახალ სასწავლო წელს აქ ბევრი სიახლე შემოვიდა და დაინერგა, მაგრამ განასაკუთრებით აღსანიშნავია ახალი ხელმძღვანელის მობრძანება. არამარტო დირექტორია ახალი, სასწავლო დარგში მისი მოადგილეც ახალი გახლავთ.

მოსაცდელში ახალ დირექტორს ველოდებოდი. ერთ ღვანდომოსილ მასწავლებელს გავესაუბრე.

– კარგი დირექტორი გვყავს, თავმდაბალი, გულისხმიერი, ლამაზი, ტკბილმოუბარი, მოადგილეც კარგი კაცია. – განაცხადა მან. ეს ამკარად გულწრფელი სიტყვები იყო და მლიქვნელობით ნათქვამს არ ჰგავდა, შემდეგ დაუმატა: გვჯერა, ახლები იმედებს გაგვიმართლებენ.

ამ წერილის ავტორი არ იზიარებს „გუნდურობის პრინციპით“ მართვის თეორიას, თითქოს „დემოკრატიულს“. ვფიქრობთ ამ შემთხვევაში ხელმძღვანელის როლი კინდებდა. იქნებ უხეში შედარება იყოს (თუ ასეა, ბოდიშს მოვიხდი), მაგრამ კონსტანტინე გამსახურდიას მოვიშველიებ: „თუ ფარას მარჯვე ყოჩი არ მიუძღვის, ცხვარი კბოდეში გადაცვივა უცილოდ“.

მე-9 სკოლის ახალი ხელმძღვანელები

საგანმანათლებლო სივრცეში საკმაოდ ცნობილი, გამობრძმედილი პედაგოგები არიან, მაგრამ მსურს „ნახალოვკელებს“ უფრო კონკრეტული ინფორმაცია მივანოდო.

დირექტორი **მარინე გიგაური** თბილისის III ექსპერიმენტული სკოლისა და მაშინდელი პუშკინის სახელობის პედაგოგიური ინსტიტუტის აღზრდილია. პროფესიონალი, გამოცდილი პედაგოგი კარგა ხანს თბილისის 193-ე საჯარო სკოლას ხელმძღვანელობდა.

სასწავლო დარგში დირექტორის მოადგილე დავით ბინაძეც „პუშკინელია“, ბრწყინვალე პედაგოგი და გამობრძმედილი ხელმძღვანელი. ნაძალადეველები მას ჩემზე უკეთ იცნობენ, რადგანაც ამ რაიონში იყო პედაგოგი, განათლების განყოფილების ინსპექტორი, 148-ე საჯარო სკოლის დირექტორი, შემდეგ სხვა რაიონში 49-ე საჯარო სკოლის დირექტორი.

დიდი ბედნიერებაა, რომ მე-9 სკოლას უმეტესობა ძლიერი და შემოქმედი პედაგოგები ჰყავს. სკოლის სიამაყეს წარმოადგენენ სამეცნიერო ხარისხის მქონე მასწავლებლები: **მანანა წნორიაშვილი** და **მარიკა მარჯანიძე** (გერმანულში სახელმძღვანელო ნიგების ავტორი). სამეურვეო საბჭოს თავმჯდომარე **ნათია მაღლაფერიძე** დაწყებით კლასებში, როგორც იტყვიან, ამინდს ქმნის.

თბილისის მე-9 საჯარო სკოლაში



სკოლის 11 პედაგოგი სერთიფიცირებულია. კათედრებს უნარიანად უძღვებიან: ქართულისას – **ნათელა კუხიანიძე**, მათემატიკისას – **ევგენია შუკაკიძე**, საბუნებისმეტყველოს – **ლიანა აფციაური**, საზმეცნიერებისას – **ნანა გონიტაშვილი**, უცხოური ენებისას – **ნათია ტრაპი**, დანყებითისას – **ციცინო ვაზაგაშვილი**, ესთეტიკა-სპორტისას – **ნინო იოსავა**.

შარშან 38 მოსწავლემ დაამთავრა ეს სკოლა. **მათე სოზიაშვილმა** ოქროს მედალი მოიხვეჭა, **მთვარისა ქვრივიშვილმა** კი – ვერცხლისა. 30 კურსდამთავრებული დღეს სტუდენტია. აქტიური და მასობრივია ამ სკოლის მოსწავლეთა ჩართულობა შემოქმედებით ოლიმპიადებში, კონფერენციებში, კონკურსებში.

მარინე გიგაურის ძალისხმევით მე-9 სკოლა „ას პილოტირებულთა“ რიგებშია. შედეგი: სკოლაში ჯანმრთელობის სანიმუშო კაბინეტი გაიხსნა, რომელსაც

გამოცდილი ექიმი **ირინე ჭითანავა** დიდი მონდომებით უძღვება. ასევე მოსწავლეებს კეთილმონყობილი ბუფეტი ემსახურება.

დავით ხაბეიშვილი და **მაია მჭედლიშვილი** არ გვანან „შაშკინის მანდატურებს“. ისინი არ ერევიან დირექციისა და პედაგოგების საქმიანობაში. მეგობრობენ მოსწავლეებთან, განამტკიცებენ შეგნებულ დისციპლინას, ზრუნავენ სკოლის უსაფრთხოებისათვის.

მკითხველი ატყობს: თავი ვერ დავაღწიე ზოგადობას, კონკრეტულ კი მწირია. თუ დირექციის, პედაგოგების სურვილი იქნება, სხვა დროს უფრო ვრცლად და კონკრეტულად გავაშუქებთ სასწავლო-აღმზრდევლობითი პროცესის თემატიკას.

დამდეგ ახალ წელს გილოცავთ, წარმატებებს და ბედნიერებას გისურვებთ მე-9 სკოლელებო!

თბილისის 84-ე საჯარო სკოლა

ამ ერთ-ერთ მცირეკონტიგენტიან სკოლის დირექტორ **მანანა ბაციკაძესთან** საინტერესო, გულთბილი საუბარი გამოგვივიდა. 84-ე სკოლის სევდიან ისტორიას შევხებით, თუ როგორ დაიწვა იგი და როგორ გადმოსახლდნენ წურწუმიას 17-ში. ბევრი სირთულის გადალახვის შემდეგ დღეს სკოლა წარმატებულთა რიგებშია.

შენობაში შემოსვლისთანავე იგრძნობა, რა შემოქმედებითი შემართებით შრომობენ შეხმატებულთა გუნდად შეკრული პედაგოგები.

ოცი წლის პედაგოგიური სტაჟის მქონე მათი ხელმძღვანელი **მანანა ბაციკაძე** საქმის სიყვარულითა და ერთგულებით გამოირჩევა.

იგივე უნდა ვთქვა დირექტორის მოადგილის, მათემატიკის ჩინებული მასწავლებლის **ნანა ჩუმაშვილის** შესახებ. სამეურვეო საბჭოს თავმჯდომარე **ეთერ თურმანაშვილს**, როგორც იტყვიან ლომის წვლილი შეაქვს სკოლის გაძლიერება-კეთილდღეობაში.

12 სერთიფიცირებული მასწავლებელი მოღვაწეობს აქ და არც სხვები უდებენ ერთმანეთს ტოლს. ასეთ ძლიერ კადრებს რომელი სკოლა არ ინატრებდა? სწორედ ამიტომ მიმდინარეობს აქ სასწავლო-აღმზრდევლობითი მუშაობა მაღალი ხარისხის ნიშნით.

დირექტორმა შემომთავაზა, პედაგოგებს გავსაუბრებოდი, რომ წერილი

გაუძარჯოს შემოქმედებით შემართებას

ტენდენციური არ გამოსულიყო, მაგრამ შეეთანხმებით, რომ ასეთ კონკრეტულ სხვა დროს გვემსჯელა.

მოდით, ჯერ გავიცნოთ საგნობრივი კათედრები და მათი ხელმძღვანელები. უნარიანად, შემოქმედებითად უძღვებიან: ქართული ენის კათედრას – **მანანა მამულაშვილი**, მათემატიკისას – **მზია ნატროშვილი**, უცხო ენისას – **თეა მაისურაძე**, საზმეცნიერებისას – **თინა ბაბალაშვილი**. დანყებითისას – **მაია ტფუნაძე**, ეთიკა-ესთეტიკა-სპორტისას – **ეკა ბედოშვილი**. სიახლეა ახალი – სადამრიგებლო კათედრის შემოღება, რომელიც აღმზრდევლობით მუშაობას აძლიერებს, მისი ხელმძღვანელი გახლავთ გამოცდილი პედაგოგი **ნინო მაღასიძე**.

სასკოლო ცხოვრებას უდაოდ ახალისებს და ესთეტიკურ ხიზლს მატებს მოსწავლეთა თვითმმართველობა, რომელსაც უნარიანად უძღვება XI კლასელი **ქეთი ჩართოლანი**.

სკოლის ყველა მიღწევას ვერ ჩამოვთვლით, თუმცა, ზოგიერთი მათგანი მაინც უნდა აღვნიშნოთ.

შარშან 54 ახალგაზრდამ დაამთავრა სკოლა, რომელთაგან 70% სტუდენტი გახდა. ორი 100%-იანი გრანტის მფლობელია. ნიჭიერი, სწავლის „ათოსნები?“ –

რამდენიც გინდა! კომპიუტერით დაჯილდოებული გახლავთ IX კლასელი **გვანცა მოსიაშვილი**. პირადად გავიცანი მთელი ასეთი ჯილდოს მფლობელი, უნიჭიერესი მოსწავლე **ნინო კრილოვა**.

პედაგოგები ყველა პროექტს, სიახლეს მხარს უჭერენ და შემოქმედებითად ავითარებენ კიდევ. ტოლერანტობის კვირეულში თემაზე „**არა – ძალადობას!**“ ეფექტიანი ღონისძიება მიუძღვნა გამოცდილმა მასწავლებელმა **თინა ბაბალაშვილმა**, ხოლო მანდატურმა **ეკა ბოჭორიშვილმა** ამ პრობლემის შესატყვისი ფილმი უჩვენა ახალგაზრდებს. აქვე უნდა აღვნიშნოთ მთელი მანდატურის **ზვიად მწყერაშვილის** კარგი მუშაობა, რომელიც ახალგაზრდებს ასწავლის საგზაო უსაფრთხოებას. ორივე მანდატურმა ავტორიტეტი უკვე დაიმკვიდრა.

შარშან სკოლა გახდა რაიონის ჩემპიონი პოპულარულ „**მზიარულ სტარტებში**“. ახლახან კი ამავე სახეობაში სასკოლო შეჯიბრება გაიმართა, რაშიც მოსწავლეთა მამები აქტიურად ჩაერთვნენ.

სკოლის სიამაყეა ვეროპის ჩემპიონი „**ძიულოში**“ ქალთა შორის **მზია ბეზოშვილი**. მოსწავლე ახალგაზრდობის ფიზიკურ-ესთეტიკურ აღზრდაში დიდ როლს ასრულებენ სკოლასთან არსებული

წრეები: მაგიდის ჩოგბურთისა პედაგოგ **დინიტრი ქავთარაძის** ხელმძღვანელობით. მეტად პოპულარულია ქართული ხალხური ცეკვების წრე, რომელსაც ხელმძღვანელობს ცნობილი მოცეკვავე, ანსამბლ „**ერისიონის**“ წევრი **გვანცა ლობჯინიძე**.

სკოლის ინფრასტრუქტურაზე არაფერი გვითქვამს. ახლა ვიტყვი, რომ იგი უაღრესად მონესრიგებულია. მშენიერი გათბობა მეცადინეობისთვის სასურველ პირობებს ქმნის, თუნდაც გარეთ ქარ-ყინვა ძუ მგელივით ღმუოდეს. აი, მონესრიგებული სამედიცინო ოთახი გამოცდილი ექიმის **ხათუნა ძმანაშვილის** ხელში.

მოსწავლეებს ძალიან მოსწონთ სასკოლო ბუფეტი.

მართალია, სკოლის ცხოვრების ყველა სფერო ვერ გავაშუქეთ, მაგრამ მთავარი მაინც ისაა, რომ ძლიერი პედაგოგიური კოლექტივი მთელი შემართებით, შემოქმედებითად ირჯება და იხარჯება.

სადაც ასეთი მონდომება და საქმის სიყვარულია, გამარჯვებაც იქ არის.

დამდეგ ახალ წელს გილოცავთ, 84-ე სკოლელებო, ახალ-ახალ წარმატებებს გისურვებთ!



მისთვის სამშობიაროს უკანა მალ-
ლობზე ნაძვების კორომთა ალყაში აბას-
თუმნის ობსერვატორიასავით კოხტად
ნამოსკუპულა კერძო სკოლა „ნუნუ ავ-
აგუმაშვილი“. კარგად მასსოვს მისი და-

თეტიკური ხიბლი უთუოდ მიგიზიდავთ.
თვალსაჩინოება, რომელსაც ყოველთვის
უდიდეს მნიშვნელობას ანიჭებდა იაკობ
გოგებაშვილი, სასწავლო განწყობილებას
და მოტივაციას აძლიერებს. დიდებუ-

იუბილარს თვალი პარსკვლავებოცხენ უჭირავს

ფუძნება და პირველი ნაბიჯები. ენერგიუ-
ლად ძლევდა ყველა სიძნელეს, ზღაპრული
ამირანივით. იზრდებოდა, ერთი დღისა
ერთი კვირისას ჰგავდა, ერთი კვირისა –
ერთი თვისას, ერთი თვისა – ერთი წლი-
სას.

დამფუძნებლებმა **ომარ ბუნტურმა** და
ნუნუ ავაგუმაშვილმა თავიდანვე ძლიერი,
შემოქმედი პედაგოგიური კადრები
შემოიკრიბეს და საქმე მშვენივრად აენ-
ყო.

დღეს ეს სკოლა იუბილარია, **ოცი წლის
ჭაბუკია**. პედაგოგებმა და მოსწავლეებმა
ღირსეულად, ზეიმით აღნიშნეს კიდევაც
ეს იუბილე.

დაფუძნების დღიდან სკოლის დირექ-
ტორი გახლავთ გამობრძმედილი, ენერგი-
ული, სიახლეების ინიციატორი პედაგოგი
ნუნუ ავაგუმაშვილი. ყოველთვის ასეთი
იყო იგი პედაგოგიური მოღვაწეობის მან-
ძილზე: შემოქმედი, მაძიებელი, რეფორ-
მატორი, დაწყებითი კლასების ჩინებული
მასწავლებელი.

მე-15 საჯარო სკოლაში, რომელიც,
სამწუხაროდ, ავადსახსენებელმა **შაშ-
კინმა** გააუქმა, ქალბატონი **ნუნუ** დაწ-
ყებითი განათლების ლიდერი გახლდათ,
მეთოდგაერთიანებას ხელმძღვანელობდა,
საქალაქო ღია გაკვეთილებს **ამონაშვი-
ლის** სტილში ატარებდა.

ეს დიდი გამოცდილება პედაგოგმა ამ
კერძო სკოლაში გადმონერგა და დიდ
წარმატებებს მიაღწია.

სკოლის ინფრასტრუქტურა ბრწყინ-
ვალედ არის მოწესრიგებული და ამაზე
ბევრს არაფერს ვიტყვი. შეხვალთ და ეს-

ლად აღჭურვილი კომპიუტერული კაბი-
ნეტი აქვთ. კიდევ უკეთესი სასკოლო
ბიბლიოთეკა, სახელმძღვანელოებითა
და სხვა სახის ლიტერატურით მდიდარი
უთუოდ მოგზიბლავთ. მოსწავლეებს და
პედაგოგებს ეფექტიანად ემსახურება
შემოქმედი ბიბლიოთეკარი **სვეტლანა
კონჯარია**.

ყუათიანი, არომატული სადილი გენ-
ბავთ? მიირთვით, მოსწავლეებო! ამაში
კარგად მოგემსახურებათ გამოცდილი მე-
ბუფეტე-მზარეულები: **მედეა ჯოხაძე** და
ზეინაზ ოდიკაძე. თქვენს ჯანმრთელობას
საიმედოდ იცავდა და დაიცავს კვალიფი-
ციური ექიმი **ირმა ბოგდანი**.

ზემოთ ვთქვი, დირექტორი მაღალ-
პროფესიონალი კადრების შემოკრების
დიდოსტატია-მეთქი. გავიცანი დირექტო-
რის ჩინებული, შრომისმოყვარე მოად-
გილეები სასწავლო დარგში, მათემატიკის
ძლიერი სპეციალისტი **თამარ იმედაძე** და
აღმზრდელობითი დარგში თეატრალი **თეა
აბუთიძე**.

ახლა მაღალ შედეგებზე ორიენტირე-
ბული საგნობრივი კათედრების ხელმძღ-
ვანელები გავიცნოთ. ქართული ენისა და
რელიგიის ისტორიის კათედრას უნარი-
ანად უძღვება – **ეკა გაბელია**, მათემა-
ტიკა-ინფორმატიკისას – **ეკა ჭიჭაძე**,
უცხოური ენებისას – **ნინო ქელბაქიანი**,
საბუნებისმეტყველოს – **თამარ პაქსაშ-
ვილი**, საზემცნიერებისას – **ნინო ხუციშ-
ვილი**, შრომით-ფიზიკულ და ესთე-
ტიკისას – **თეა არზიანი**. ეს უკვე სიახლეა!
აღმზრდელობითი მუშაობის გაძლიერების
მიზნით ჩამოყალიბდა **კლასის დამრიგე-**

ბელთა კათედრა, რომელსაც ენერგიული
ირმა შავლაძე მეთაურობს.

9 პედაგოგი სერთიფიცირებულია, მათ-
გან ინგლისურის მასწავლებელი **თამარ
გელენიძე** 1000 ლარინი სერთიფიკატის
მფლობელია. დირექტორმა გამაცნო
პედაგოგების მუშაობა, ქების სიტყვები
არ დაიშურა მათზე. გაზეთის ფორმა-
ტის გამო ვერ შევძლებ მათ დახასიათე-
ბას, მაგრამ თავდადებული მუშაობით-
ვის მაღლობას ვუცხადებთ პედაგოგებს:
**თამარ გელენიძეს, ლანა დანელიას, ნინო
ქელბაქიანს (ინგლისური), მზია ბაყაშვილს
(ქართული), ციური ცერცვაძეს (დაწყე-
ბითი), ვაჟა მანგოშვილს, თამარ იმედაძეს
(მათემატიკა), ნუნუ ვაშაძეს (ისტორია), ანა
გოგოლაურს (ბიოლოგია), თამარ პაქსაშ-
ვილს (ქიმია), თეა არზიანს (მუსიკა), ეკა
გაბელიას და ია კაკაურიძეს (IV-VIII კლასე-
ბის დამრიგებლები).** თუ ვინმე გამომჩა,
ბოდიშს ვუხდი და „შეცდომას“ შემდეგში
გამოვასწორებ.

„ხე ნაყოფითა საცნაურ არს“ – გვას-
წავლის ბიბლია. ასეა მასწავლებელიც. იგი
შრომის შედეგებით ფასდება. შედეგები კი

**ქერძო სკოლა „ნუნუ
ავაგუმაშვილი“ – 20**



ლური სერთიფიკატი „კინგსელისათვის“
მოიპოვეს. **ქეთი პიტავა** დაჯილდოვდა
ექვსთვიანი უფასო ტრენინგით. სკოლის
სიამაყეა კურსდამთავრებული **ბექა ბურ-
ჯანაძე, რომელიც** საქართველოს და ეს-
პანეთის საკალათბურთო ნაკრების წევრი
გახლავთ.

სკოლაში სწავლების ხარისხს უფრო
ამაღლებს, ასევე სწავლა-აღზრდის პრო-
ცესს, სასკოლო ცხოვრებას უფრო ახა-
ლისებს და აცოცხლებს საწრეო მუშაობა.

სასწავლო საგნად შემოღებულია ჭად-
რაკი, რომელსაც ასწავლის მოჭადრაკე
და ხელოვანი **ვახტანგ მორჩილაძე**. ცეკვის
წრის მასწავლებელია **მარინე პეტროსიანი**,
კარატეს წრისა კი – **დიმიტრი მიქაბერიძე**.
სკოლის მშვენიერებაა თეატრალური სტუდია,



მდივანი. ასევე ჩვენი სკოლის მედალოს-
ნები არიან **თათია გაჩეჩილაძე, მიშა იაკო-
ბიძე, ცოტნე მანგოშვილი, მილედ შამუგია,**
მარი ელბაქიძე, მარი კერესელიძე.

სკოლაში კიდევ სიახლეა ისიც, რომ **XII
კლასელებისთვის გახსნილია ეროვნული
გამოცდებისთვის მოსამზადებელი ექსპერ-
იმენტული კლასი**.

დრექტორის კაბინეტში სტენდისკენ
გამექცა თვალი, აი, პედაგოგებისა და
მათი აღსაზრდელების მონაგარი: **ნიკა
ხიტირი** (IX კლასი) ინგლისურ ენაში რეს-
პუბლიკური ოლიმპიადის წარმატებულია.
„ტვინების კონკურსში“ (ალბათ ნიჭიერე-
ბის) სკოლა ნაძალადევის რაიონში I ადგ-
ილზე გავიდა, ქალაქის მასშტაბით კი –
ხუთეულში.

თვალი მომტაცა ახალი გამგებლის
ზაზა გაბუნიას მიერ სკოლისთვის გად-
აცემულმა ოქროსფერმა თასმა. დიპლომ-
ებისა და სიგელების „რა სიუხვეა, რა
სიმრავლეა!“ პედაგოგ **ციური ცერცვაძის**
მესამეკლასელებმა: **ცაცა გურგენიძე** და
ქეთი პიტავამ „საქართველოს საუკეთესო
მოსწავლეთა კლუბის“ წევრის ეგიდით
ქართული ენის ოლიმპიადაში უნიკა-

რომელსაც ხელმძღვანელობს ნიჭიერი
თეა არზიანი. XI კლასელი **ლაზარე ლონდ-
არიძე** ქალაქ ბათუმის ლოგოს შექმნაში
აქტიურად მონაწილეობს. წარმატებას
ვუსურვებთ მას.

სკოლის აქტივში უთუოდ უნდა ჩაი-
ნეროს ახლახან ჩატარებული ემოციური
ღონისძიება ტოლერანტობის თემაზე „**არა
– ძალადობას!**“ რომელსაც ეფექტიანად
უძღვებოდნენ ბიბლიოთეკის გამგე **სვეტა
კონჯარია** და დირექტორის მოადგილე
თეა აბუთიძე. მათ მოსწავლეთა მასობრივი
ჩართულობით განიხილეს ამ პრობლემაზე
დანერილი წიგნი „**ცოცხლად დამწვარი**“.

კიდევ ბევრი კარგის თქმა შეიძლება
ამ სკოლაზე. ჯერჯერობით ეს ვიკმაროთ
და შემდგომში, თუ სურვილი და მზაობა
იქნება, სწავლა-აღზრდის სხვა კონკრე-
ტულ თემებზეც ვიმსჯელოთ.

ახლა კი **დამდეგ ახალ წელს გილო-
ცავთ, მაღლობზე აბასთუმნის ობსერვა-
ტორიასავით ნაძენარში ჩაფლული „ნუნუ
ავაგუმაშვილის“ სკოლელებო და ციდან
ვარსკვლავების მოწყვეტას გისურვებთ!**

პორის მიშველაძე,
პედაგოგიკის დოქტორი



„პეგასი“ სკოლის სივალღეებს იყვრებს

ქართო სკოლის სივალღე



სკოლა, რომლის შესახებაც გვინდა გიამბოთ, დაარსებულია 2000 წელს „ოქროს ვერძის“ სახელით, თუმცა 2011 წლიდან მას სახელწოდება შეეცვალა და ფუნქციონირებს „პეგასის“ სახელით (პეგასი ბერძნული მითოლოგიით ფრთოსანი ცხენია). სკოლას ხელმძღვანელობს პედაგოგიურ ასპარეზზე დიდხანს ნაღვანი, დამსახურებული მასწავლებელი დემურ ავალიანი.



ბატონმა დემურმა 1976 წელს დაამთავრა თბილისის ივანე ჯავახიშვილის სახელობის სახელმწიფო უნივერსიტეტი და ისტორიკოსის დიპლომით იწყებს მუშაობას 55-ე საჯარო სკოლაში, შემდეგ მოსკოვში დაამთავრა ასპირანტურა 1978-1980 წლებში და ბრუნდება ისტორიის მასწავლებლად 22-ე საჯარო სკოლაში.

2000 წელს მან ჩაუყარა საფუძველი იმ სკოლას, რომლის შესახებაც გვინვს ამჯერად საუბარი.

დირექტორი დიდი წარმატებით ათმევს თავს დაკისრებულ მოვალეობებს. უპირველესად ეს შეიგრძნობა პედაგოგიკური ერთად მის მიერ შექმნილ ეკოლოგიურად სუფთა და უსაფრთხო გარემოში, უახლესი ტექნოლოგიებით აღჭურვილ კლას-კაბინეტებში, პროფესიონალი მასწავლებლების ერთ ბირთვად შეკვრაში. მასწავლებლები სწავლის უახლესი ხარისხით და ინოვაციური მეთოდებით ახერხებენ ყველა დისციპლინის

გაღრმავებულ სწავლებას. სკოლაში ისწავლება კომპიუტერული პროგრამები, ხდება ჩვენი ქვეყნის ისტორიასთან ერთად მსოფლიო კულტურის და ისტორიის შესწავლა, ტარდება კონფერენციები, დისკუსიები, ექსპედიციები, ლაშქრობები, ინტელექტუალური თამაშები, შემეცნებითი ხასიათის ექსკურსიები.

სასწავლო დარგში სკოლის დირექტორის მოადგილე გამოცდილი პედაგოგი ლალი სეთურიძე, აღმზრდელობით დარგში კი – ჯული სილაგაძე და მერი გურგენიძე, რომლებიც მთელ ენერჯის დებენ სკოლაში სრული სასწავლო და შემეცნებითი გარემოს შესაქმნელად.

სკოლაში სწავლობს 190 მოსწავლე, რომელთა აღზრდა-განათლებაზე ზრუნავს 40 პედაგოგი, მათგან სერთიფიცირებული არიან მასწავლებლები: ეკატერინე კუხიანიძე, ლალი სეთურიძე, თამარ კუტუბიძე, ნინო ახვლედიანი, ეკატერინე არსენიშვილი, მაკა ბესელია, ირმა ხუნდაძე, მაია ფირაშვილი, ელენე სულავა.

ქიმიას ეფექტიანად ასწავლის მეცნიერებათა დოქტორი რუსუდან ტაბიძე. მყარ უნარ-ჩვევებს უყალიბებს მოსწავლეებს აგრეთვე მეცნიერებათა დოქტორი როლანდ ჩხვიძე. სკოლის წარმატებაში დიდი წვლილი შეაქვთ ხარისხის მართვის მენეჯერს და პიარმენეჯერ თამუნა შარაძენიძეს.

სკოლაში ფუნქციონირებს საგნობრივი კათედრები: ქართული ენის და ლიტერატურის – ხელმძღვანელია ქალბატონი ნინო ახვლედიანი, მათემატიკისა და ინფორმატიკული ტექნოლოგიების – ციციკო ენუქიძე, უცხოური ენების კათედრას სათავეში უდგას ეკატერინე არსენიშვილი, საზოგადოებრივი მეცნიერების კათედრას კი – ეკატერინე კუხიანიძე, სპორტის და ხელოვნების კათედრას – მერი გურგენიძე, რომელიც ამ სფეროში 2012 წლის საუკეთესო კრიტიკოსად არის მიჩნეული, საბუნებისმეტყველო კათედრას ხელმძღვანელობს ჯული სილაგაძე.

სკოლას გასულ საწავლო წელს ჰყავდა 3 ოქროს და 5 ვერცხლის მედალოსანი მოსწავლე. უმაღლეს სასწავლებელში მაღალი აკადემიური ნიშნებით ჩაირიცხა ყველა კურსდამთავრებული. „პეგასი“ არის კერძო სკოლა, რომლის ძირითად მიზანს და იდეას წარმოადგენს ისეთი საგანმანათლებლო სივრცის შექმნა, სადაც ყველა კურსდამთავრებულს საშუალება აქვს მიიღოს ფუნდამენტური განათლება. იგი დააკმაყოფილებს თანამედროვე ევროპულ სტანდარტს. სკოლა ყველა პირობას ქმნის მოსწავლეებისთვის მაღალი ხარისხის განათლების მისაღებად. სკოლაში ჩამოყალიბებულია საატესტაციო და ერთიანი ეროვნული გამოცდებისთვის

მოსამზადებელი ჯგუფები, აგრეთვე აქვე ფუნქციონირებს საშაბათო სკოლა V-XI კლასების ჩათვლით.

სკოლაში სწავლობენ მაღალი აკადემიური მოსწრების მქონე მოსწავლეები, თუმცა იმათთვის, ვისაც სჭირდება მასწავლებლის დახმარება, იქმნება კორექციული ჯგუფები. არ შეიძლება არ აღინიშნოს



იმ მოსწავლეების ბეჯითი მეცადინეობა, რომლებიც სკოლის ავტორიტეტს ამაღლებენ თავიანთი განათლების ხარისხის დონით. ესენია: სალომე ჯანიაშვილი, ნინო პერანიძე, მარიამ ჩუბინიძე, მარიამ ონიანი, თამაზ ჩუბინიძე, ნიკა ჯანიაშვილი, მარი დევდარიანი, ლიზი ოქროპირიძე, მარიამ სისაური, ირაკლი მიჩიტაშვილი, ნინო ნაცვლიშვილი, საბა ოტიაშვილი, ანა ხულელიძე, ნინო ნეფარიძე, დავით ქართველიშვილი, თაკო ჯაფარიძე, მიხეილ ცერცვაძე, მარიამ პერანიძე, ნინო ნადრადე, მიხეილ ოტიაშვილი, ქეთევან პერანიძე, ზურა შენგელია, გიორგი გეჯაძე, გეგი გოგოლაშვილი, თორნიკე მარგველაშვილი, მარიამ მეტრეველი, დიანა მილევსკაია, გიგა ნეფარიძე, ანი მუხამაზარია, თეა ტეფნაძე, ბაქარ ქორჩილაძე, ნიკა ნაზლაიძე, ილია ბენდელიანი, ეთერ შერმადინი, ჯუბი ჩიქოვანი და სხვები. ბევრი გამოგვრჩა, მაგრამ გული ნუ დაწყდებათ, სხვა დროს მათ შესახებაც ვიმსჯელებთ, რა თქმა უნდა, პოზიტიური კუთხით.

სკოლაში მოსწავლეთა მასობრივი ჩართულობით ტარდება სასწავლო ოლიმპიადები სხვადასხვა საგნებში. აღსანიშნავია, ინგლისური ენის ოლიმპიადაზე წარმატებული მოსწავლეები, რომლებმაც პრესტიჟი აამაღლეს. მარიამ ონიანი და სალომე ჯანიაშვილი არიან ეს წარჩინებულნი.

სკოლაში სწავლასთან ერთდ დიდი ყურადღება ეთმობა კულტურულ, მხატვრულ, შემოქმედებით ღონისძიებებს, რაც მოსწავლეთა ცხოვრებას საინტერესოს, სახალისოს, დატვირთულს და წარმატ-

ბულს ხდის. მხატვრულ კითხვაში სკოლა წარმოაჩინეს ლუკა ჩიტიაშვილმა და მარიამ ონიანმა, ფორტეპიანოზე დაკვრაში – მარიამ დევდარიანმა, ხატვასა და მინაქარში ლუკა ყარყარაშვილი და ნიკა ჩაჩუა საუკეთესო იყვნენ. სკოლას ჰყავს მუსიკალურად ძლიერი, პერსპექტიული მოსწავლეთა გუნდი, რომელსაც ხელმძღვანელობს პედაგოგი ციცი ბიჭიკაშვილი. შესანიშნავად ცეკვავენ ნიკა და მათე ბერ-

ძულები, ნიკა და გიორგი ჩაჩუები, ნიკა ჯანიაშვილი.

მოსწავლეთა ფიზიკურ აღზრდაში არანაკლები მნიშვნელობა ენიჭება სპორტს. სპორტის მასწავლებელია საქართველოს თორმეტგზის ჩემპიონი ნახევარ მართონში და არა მხოლოდ საქართველოში, არამედ თურქეთშიც არის ცნობილი – ჰამლეტ მამიკონიანი.

საქართველოს რაგბის ნაკრების წევრია ელდარ ლაბაძე, ასევე „ნორჩი დინამოელი“ – ანრი გარაბალი.



სკოლას ჰყავს ჭადრაკის ფედერაციის მიერ გამართულ ტურნირებში გამარჯვებულები: მარიამ ონიანი, ნიკა ჯანიაშვილი და ლუკა ჩიტიაშვილი. „კიოკუშინ კარატე-ში“ კი სკოლის სახელს წარმოაჩენს თამაზ ჩუბინიძე, „კიო კუშინკაი კარატე დო“ – ფედერაციის მენეჯერი XII კლასელი მარიამ ჩუბინიძე.

სკოლას ჰყავს სამების ტაძრის სტიქაროსანი საბა ბუაძე. მუხრანში კი – მეტეხის ღვთისმშობლის სახელობის ეკლესიაში – გიორგი გეჯაძე.

„პეგასის“ მიზანი მეტად საპატიოა: მომავალი თაობის საზოგადოების ღირსეულ წევრებად ჩამოყალიბება და მათთვის ისეთი განათლების მიცემა, რომელიც ჩვენი ქვეყნის მომავალს წარმატებულს გახდის. მართალია, ამ მიზნების მისაღწევი გზები მეტად რთულია, მაგრამ სკოლა თავის ძლიერ პედაგოგებთან ერთად მაქსიმუმს გააკეთებს, რომ მიაღწიოს ამ მეტად კეთილშობილურ მიზანს. „პეგასი“ იმიტომაც ცოდნის ფრთოსანი ცხენი, რომ განათლების სივრცეში ნავარდობს და სიმალეებს იყვრებს.

გილოცავთ დამდეგ ახალ წელს „პეგასელებო“. იგი ყოფილიყოს თქვენი ბედნიერებისა და გამარჯვების წელი.



„იზარდი, მწვანე ჯეჯილო, დაკურდი, გახდი ყანაო!“



მინდოდა წერილისთვის სხვა სა-
თაური მიმეცა, მაგრამ... ოთხი წლის
წინანდელი ხიბლი დღესაც მომყვება. ახ-
ლაც ზამთარში აქ მზესუმზირები ისევ
მზესავით ჩახჩახებენ, განა მარტო მზე-
სუმზირები – მზის სხივები ჩასდგომიათ
დიდ პეპლებს, კარუსელებს, სასრილოს,
„აინონა-დაინონას“, „აჩუ-აჩუ ცხენოს!“.
მხოლოდ „სოსუმის მატარებელი“ დასე-
ვიანებულა.

გულს ნუ გაიტყუებ, დევილიწო! ოპტი-
მიზმს არაფერი ჯობია. ჩემთან ერთად
მინდა თქვენც გაგამხნეოთ ლეონიძის

ენის ჩინებული სპეციალისტია. ამ ენას
ეფექტიანად ასწავლიდა თბილისის 29-ე
საჯარო სკოლაში და თსუ სოსუმის ფილ-
იალში. იყო აფხაზეთის საბავშვო ბაღის
პედაგოგ-ალმზრდელი. მე-8 წელია მე-100
ბაგა-ბაღს განაგებს. სანაქებო დირექტო-
რიაო, ძალიან გვიყვარსო, – ამბობენ ბავშ-
ვები, მშობლები, თანამშრომლები.

რადგან კადრებზე ვსაუბრობთ, მინდა
ღვანულმოსილი პედაგოგები გაგაცნოთ,
მკითხველო. ბაგა-ბაღის სული და გუ-
ლია დიდად ნაამაგარი, დამსახურებული
პედაგოგი, საგანმანათლებლო პროგრამე-

ჯობაძეს, სპეცპედაგოგს ლელა ებანოი-
ეს, რაც მთავარია, ყველა აღმზრდელ-
თანაშემწეს, რომელთა დასახელებას მრავ-
ალრიცხოვნობის გამო ვერ ვახერხებთ.
ყველას მადლობა თავდადებული შრომის-
ათვის!

მუსიკალური დარბაზიდან ტკბილ-
მშობლიური ჰანგები დაირხა. ცუგრუ-
მელები ემზადებიან სახალხო ზეიმის-
ათვის. ცეროდენებს სულს უფაქიზებენ
და ხელოვნების სიყვარულით ზრდიან
მუსიკის ჩინებული პედაგოგები: **ლილა
მაჩაიძე, ცისანა გრიგოლავა, გენრიეტა
ზაქარიაძე**, ცეკვის მასწავლებლები: **ნათია
ცხვარაძე და ეკა კახიაშვილი**.

შენობაში მშვენიერი გათბობაა. ასე
რომ ცეროდენებს ზამთრის არ ეშინიათ.
მათ არც ინფექციების ეშინიათ, ისეთი
გამოცდილი ექიმები უვლიან **თამარ გოგ-
მეჩაძისა და მარია ქავთარაძის** სახით.

კვებას არ იკითხავთ? საუკეთესოა. პა-
ტარებს დედისგან გაკეთებულს ურჩევნი-
ათ მზარეულების: **მარინე სვანიშვილის,
ეკა ბზარაშვილის, იზო პოპიაშვილის**, მათი
დამხმარეების: **ნატალია ესართიას, ნან-
ული ბერუღავას, ინგა ტურაშვილის** მიერ
დამზადებული ყუათიანი, არომატული
კერძები.

ალმზრდელ-პედაგოგები, შემოქმედები-
თად მუშაობენ ცუგრუმელებთან საალმზ-

**გამარჯობათ, მე-100
ბაგა-ბაღელებო!**



ვის. აი, „თბილისობა-2014“-ში აქტიური
მონაწილეობისთვის მიღებული მადლობის
სიგელი, რომელსაც ხელს აწერს გლდანის
რაიონის გამგებელი **ბესიკ ქარცივაძე**.

– ყველა თანამშრომლის სახელით
დიდი მადლობა უნდა მოვახსენო რაიონის
გამგებელ **ბესიკ ქარცივაძეს**, დედაქალაქ-

აქ მზესუმზირები ზამთარშიაც მზესავით ჩახჩახებენ

სტრიქონებით: „სხივკრეფილი მზე
ჩადის, ვარსკვლავმაც შეიჭახჩახა, მზე
ჩადის? მზე ხვალ ამოვა, უფრო დიდი და
ჩახჩახა“.

რაც ზემოთ აღვწერე, დედაქალაქში
ერთ-ერთი ყველაზე დიდი და ულამაზესი
მე-100 ბაგა-ბაღის სავიზიტო ბარათია.
ახლა შენობის შიგნით შევიხედოთ: „ეს
თვალები რას ნახავენ სხვას უკეთეს სან-
ახავსა!“ აი, ნამდვილი ბავშვთა ზღაპრული
სამყარო. აქ ყველგან თოჯინები იცინიან.
აქ ყველგან ბავშვებისთვის საყვარელი,
ზღაპრებიდან გადმოსული პერსონაჟები
დადიან. ეს ხომ ყველაფერი მათ ფან-
ტაზიას, უნარ-ჩვევებს ავითარებს. ბაგა-
ბაღის ინფრასტრუქტურის აღწერაზე
მელანს არ დავხარჯავ, მხოლოდ ერთს
ვიტყვი: აქ ცეროდენების ბედნიერი ბავშ-
ვობა გარანტირებულია.

და ამ ცეროდენათა საოცარი სამყაროს
დიდი და კეთილი დიასახლისი გახლავთ
მეტად გამოცდილი, ბავშვებზე დედასავით
შეყვარებული ქალბატონი **მეგი მარღანია**.
იგი აფხაზეთიდან დევნილია, დამთავრე-
ბული აქვს თსუ სოსუმის ფილიალის
ფაკულტეტი, ასევე – დედაუნივერსიტეტის
ჰუმანიტარული ფაკულტეტი. ინგლისური



ბის კოორდინატორ-მეთოდისტი **ნანული
ჟღნტი**. მისი ღვანლი დიდად დასაფასე-
ბელია.

მას მხარს უმშვენიერებენ ბაღის დაარსე-
ბის დღიდან აქ ჯაფაგამოვლილი აღმზ-
რდელები: **მარინე ბუჭიტაშვილი და მარინე
ხმალაძე**. დაგელოცოთ მარჯვენა!

ბაგა-ბაღის გაძლიერება-კეთილდღე-
ობაში დიდი წვლილი შეაქვთ: სამეურნეო
ნაწილის კოორდინატორს **მზია ხელაიას**,
საქმის მწარმოებლებს: **ელისო ბოჭორი-
ეს და ეკა ბასარიას**, ფსიქოლოგ – **ბელა**

რდელი პროგრამების სახელმძღვანელოს
მიხედვით. სახავენ ღონისძიებებს, პრი-
ორიტეტულია ცხოვრებისეული და შე-
მეცნებითი უნარ-ჩვევების ჩამოყალიბება,
პატრიოტული, ესთეტიკურ-ზნეობრივი
აღზრდა, სასკოლოდ მათი მომზადება.
ამ კუთხით მალაღ შედეგებზე ორიენ-
ტირებულია პედაგოგთა ძალისხმევა.
ნამდვილად არის სასიხარულო შედეგები.
ძალიან ბევრი უაღრესად ნიჭიერი, ხე-
ლოვნებისადმი მიდრეკილი თვალხატულა
გოგო-ბიჭია. ეს არის: ცეკვა, სიმღერა, ხატ-
ვა, ძერწვა, დეკლამაცია... ვინ იცის, ვის
უცინის ბედის ვარსკვლავი, ვინ გახდება
დიდი მაცეტრო.

ალმზრდელები ბევრს ზრუნავენ, მათი
ნიჭის ნაპერწკალი შეამჩნიონ, ხელი შეუ-
წყონ და ჩირაღდანად აქციონ!

დირექტორის კაბინეტში ვილდოე-
ბის სტენდმა დამაინტერესა. აი, ძვირ-
ფასი სერთიფიკატები, დიპლომები, სი-
გელები მიღებული წარმატებებისთვის,
საქალაქო და რაიონულ ღონისძიებებში
მონაწილეობისთვის, „ნაბიჯ-ნაბიჯ“ პრო-
გრამის და სხვა პროექტების შესრულები-
სთვის. დირექტორს ეამაყება საქარ-
ველოს „პორტიჯის“ სიგელი ინკლუზიური
აღზრდა-განათლების დანერგვისათ-

ის ბაგა-ბაღების სამსახურის კოორდინა-
ტორს **თემურ თორდინავას** და თბილისის
მერს ბატონ **დავით ნარმანიას** მე-100
ბაგა-ბაღის მიმართ გამოჩენილი მზრუნ-
ველობისათვის. მაგალითად, დედაქალაქ-
ის მერმა ჩვენი ეზო უამრავი მწვანე
ნარგავით გაამდიდრა. დარგვაში ჩვენი
აღსაზრდელებიც მონაწილეობდნენ. ასე
რომ, ეს აქცია შრომით ზეიმად იქცა, –
განაცხადა ჩვენთან საუბარში **მეგი მარ-
ღანია**.

კიდევ ბევრი სამადლობელი და საქე-
ბარი მაქვს სათქმელი ამ ბაგა-ბაღზე, მის
შრომისმოყვარე, შემოქმედ კოლექტივზე,
მაგრამ ამჯერად ეს ვიკმაროთ, დანარჩენი
მომავლისთვის გადავდოთ.

**ახალი წელი მოდის თავისი ბრწყინვა-
ლება-ძღვეამოსილებით. მშვიდობიანი,
სიკეთის მომტანი ყოფილიყოს იგი სა-
ქართველოსთვის. განსაკუთრებით დე-
ნილებსთვის, მათი დაბრუნების მიზნით
რადიკალური ძალისხმევის წელი ყოფილი-
ყოს.**

გილოცავთ დამდეგ ახალ წელს, ზღვა
სიხარულს და ბედნიერებას გისურვებთ,
მე-100 ბაგა-ბაღელებო!



შემოდგომის ფესტივალი



მიმდინარე წლის ნოემბრის თვეში ქალაქ თბილისის 9-ე ბაგა-ბაღში ჩატარდა შემოდგომის ფესტივალი. ლამაზად გაფორმებულ ეზოში წარმოდგენილი იყო საქართველოს სხვადასხვა კუთხე: ფშავ-ხევსურეთი, რაჭა, იმერეთი, სამეგრელო, კახეთი, ყველა თავისი ტრადიციებით, კულტურით, ხელოვნებით, დამახასიათებელი კულინარიული შედეგებით.

ფშავ-ხევსურეთის კუთხეში ბავშვები დასაქმებულნი იყვნენ. ზოგი მატყლის ჩეჩვით, ზოგი წინდების ქსოვით, ზოგიც კუბდარის კეთებით. ნაწილი კი სვანურ ცეკვას უჩვენებდა მაყურებელს. ყველა კუთხე იმდენად ლამაზად და იმ კუთხისთვის დამახასიათებელი ატრიბუტებით იყო მორთული, რომ კითხვაც არ ჩნდებოდა განმარტებისთვის, თუ რომელ მხარეში იმყოფებოდნენ სტუმრები.

ლამაზად იყო მორთული გურია-იმერეთის კუთხე. ბავშვები და მასწავლებელი ტრადიციულ ტანსაცმელში იყვნენ გამოწყობილი. ბავშვები ბერტყავდნენ კაკალს, არჩევდნენ სიმინდს, კრეფდნენ ხილს, კეცებზე აცხობდნენ მჭადებს. მოკლედ ეჭვი არ იყო, რომ ვიმყოფებოდით იმერეთსა და გურიაში.

მოგზაურობა გაგრძელდა და ვესტუმრეთ რაჭას, სადაც სამეგრელოზე ზედადგარზე შემოდგომის ლობოს ქოთანში სიფრთხილით ზელდა ბავშვი. თონეში ჩაკიდებული ლორი და სულგუნიც მადისაღმძვრელად იყურებოდა. ლობიანების გამოცხობასაც აპირებდნენ ბავშვები. რაჭული „გიორგუნა“ კი ნამდვილი რაჭველებით იცეკვეს.

სამეგრელოს კუთხე, დადიანების სასახლით იწყებოდა. აქ ყველაფერი მეგრული ტრადიციებით იყო გაჯერებული. თავშალნაკრული და წინსაფრინი გოგონები ცეცხლზე შემოდგომის ლობის ქვას ამაყად ურევდნენ და თითქოს შექების მოლოდინშიც იყვნენ.

მოგზაურობა დამთავრდა კახეთში.

კახური მრავალუმიერით შეეგებნენ პატარები სტუმრებს. სპეციალურ სანაახელში ბავშვებმა დაწურეს ყურძენი, მოადულეს თათარა, ამოავლეს ჩურჩხელეები. ხალიჩაზე წამოკოტრიანებული ლუარსაბი და დარეჯანი კი საჭმელების სუნიტ ტკებოდნენ. ლამაზად გაფორმებულ ურემზე შებმული იყო ვითომ-ვითომ „ვირი“. ურემი კი მორთული იყო პატარა-პატარა ფიალებით, დოქებით, ჭრულა-ჭრულა ფარდაგებით. მზიარულობდნენ და ცეკვავდნენ ბავშვები და მასწავლებლები. ხალისიანად დამთავრდა ეს, კიდევ ერთი ლამაზი დღე ბაგა-ბაღში, რომელიც ალბათ დიდხანს ემასსოვრებათ არა მარტო ბავშვებს, არამედ მშობლებსაც და სტუმრებსაც, რომელთა შორის ღონისძიებას ესწრებოდნენ: ქალაქ თბილისის მერის მოადგილე ალუდა გოგლიჩიძე, საბავშვო ბაგა-ბაღების სააგენტოს დირექტორი თემურ თორდინავა, თბილისის ნაძალადევის რაიონის გამგებელი ზაზა გაბუნია და სხვები.

ამ ღონისძიების სულისჩამდგმელები იყვნენ ბაგა-ბაღების სააგენტო, ნაძალადევის გამგეობა, ბაგა-ბაღის დირექტორი, ქალბატონი მანანა ჭილაია, რომლებსაც მთელი ერთობლივად ედგნენ მხარში აღმზრდელები, მათი თანაშემწეები, ძიძები, ბაგა-ბაღის ყოფილი გამგე, ქალბატონი თინათინ ზაზლიძე, რომელსაც უდიდესი წვლილი მიუძღვის მომავალი თაობის აღზრდა-განათლებაში, ასევე – მეთოდისტი და ფსიქოლოგი მშობლებთან ერთად.

მსგავსი ღონისძიებები, რომლებიც ტრადიციულად ტარდება ბაგა-ბაღში, ხელს უწყობს ბავშვებში პოზიტიური უნარ-ჩვევების განვითარებას, თავისი სამშობლოსადმი სიყვარულის აღზრდას.

რომან მოსეჰვილი,
ნანა მჭედლიძე



ჩვენი მეგობარი ბურაში

(ბურაჲ ხანდაძიშვილი 80 წლისა გახლარა!)

შენი მეგობარი გურამი ოთხმოცი წლისა გამხდარაო, – მითხრეს. გამიკვირდა, რადროს მისი ოთხმოცი წელია-მეთქი. ჯერ ერთი, სეიფში მიდევს მისი პირადი საქმე, მისი ხელით შევსებული ანკეტა და, მერე, შენი წლოვანება თუ გახსოვსო, ნეტავი? – სიცილით მითხრა ჩვენი ინსტიტუტის საქმეთამმართველმა.

დღეები ბრუნავს ვით კამათელიო, – **გალაკტიონმა**. დღეები კი არა წლები გაგორებულან კამათლებით, ჩვენ რომ ვერ შეგვიმჩნევია, ისე არა და, ორმოცდასამი წლის წინ გავიცანი ეს კეთილდანი, ცისფერთვალა ბრგე ვაჟკაცი, სამეცნიერო-პედაგოგიურ ჟურნალ „სკოლა და ცხოვრების“ რედაქციაში რომ მომიყვანა ცხოვრებულმა **გრიშა საჯაიამ**, ამ ჟურნალის მთავარმა რედაქტორმა. აი, ამასთან იმეგობრეო, – მითხრა, – უღალატო კაცია, უზადო პროფესიონალი, ბევრ რამეს ისწავლიო მისგან. მართალი იყო, ის სულ-განათლებული.

ჟურნალ „სკოლა და ცხოვრების“ რედაქცია იმ ხანად გვარიან პედაგოგიურ გამომცემლობას წარმოადგენდა. ყოველთვიურ ექვსფორმატიან მთავარ ჟურნალთან ერთად, მისი ყოველკვარტალური ხუთფორმატიანი ჟურნალებიც გამოდიოდა. საკმაოდ დიდი სარედაქციო კოლექტივი იყო – ძირითადი თუ მოწვეული რედაქტორები და მათი მოადგილეები, ავტორიტეტული სარედაქციო კოლეგიები. სარედაქციო-საგამომცემლო საქმე დულდა და გადმოდულდა. ამ შემოქმედებითი კოლექტივის წამდელი ლერძი და ერთ-ერთი ძირითადი



მარცხნიდან: ოთარ ხაზარაძე, მიხეილ კაკელიძე, გურამ ხანდაძიშვილი და ზურაბ ცუცქერიძე.

საყრდენი სწორედ **გურამ ხანდაძიშვილი** იყო. ამ ახალგაზრდა კაცს უკვე მოესწრო გამომცემლობა „განათლებაში“ მოღვაწეობა ერთ-ერთი წამყვანი რედაქტორის პოსტზე და კარგა გვარიანი გამოცდილებით დატვირთული მოსულიყო ჟურნალის რედაქციაში.

იმ დღიდან დაიწყო ჩვენი საქმიანი თანამშრომლობა და პირადი მეგობრობა. ჩვენი რედაქცია ერთი დიდი ოჯახი იყო. ერთი გვექონდა საქმე და საზრუნავი, ლხინი და, სამწუხაროდ, ჭირიც, ყოველდღიური საკეთებელიც და სალაღობიც. ამ ყველაფერში გამორჩეული როლი გურამს ეკისრებოდა, რადგან ყველას მისი იმედი ჰქონდა უპირველესად.

თბილისში დაბადებულსა და გაზრდილს (თუმცა ხშირად იტყვის ხოლმე, ქიზიყელი, მირზაანელი ვარ წარმოშობით) წიგნიერება და ცოდნისმოყვარეობა ოჯახიდან მოსდგამს. პაპამისი ერთ-ერთი ბოლშევიკური გაზეთის რედაქტორი იყო და თეთრგვარდიელებმა იმსხვერპლეს სამოქალაქო

ომის წლებში. დედ-მამაც განათლებულები იყვნენ, თვითონ კი მედალზე დაამთავრა სკოლა და მას შემდეგ წიგნი და კალამი ხელიდან არ გაუგდია.

„სკოლა და ცხოვრების“ რედაქციაში მუშაობის პროცესში პედაგოგიკაში დისერტაციის დანერგა და წარმატებით დაცვა შეძლო. არა და, იმ დროს დისერტაციის დაცვა ისე ხელნაშთსაკრავი საქმე კი არ იყო, როგორც ახლანდეს. მასხოვს, მოსკოვიდან მოწვეულმა მისმა ოპონენტმა, ცნობილმა მეცნიერმა და მწერალმა **იური აზაროვმა** თავის გამოსვლაში თქვა: ამ დისერტაციის ავტორს ნებისმიერი ინსტიტუტი დიდი სიხარულით მიიღებდაო.

გურამ ხანდაძიშვილის მიერ დაწერილ და გამოქვეყნებულ ნაშრომებს ვერ ჩამოვთვლი და არც შევეცდები. მხოლოდ იმას ვიტყვი, რომ მას ანგარიშგასანევი ავტორიტეტი ჰქონდა მეცნიერ-პედაგოგთა წრეებში, როცა ასეთი წრეები არსებობდა ჩვენში. განსაკუთრებით ნათლად გამოვლინდა მისი მეცნიერული ნიჭი და ერუდიცია, **იაკობ**

გოგებაშვილის სახელობის პედაგოგიკის სამეცნიერო-კვლევით ინსტიტუტში დირექტორის მოადგილის პოსტზე მუშაობისას. კარგი ორგანიზატორი, პირუთენელი შემფასებელი, ობიექტური და პრინციპული ხელმძღვანელი, – ასე იცნობენ მას ყველგან, სადაც კი საქმიანი კავშირ-ურთიერთობა აქვს და ჰქონია. სრულიად დამსახურებულად აქვს მას მინიჭებული საქართველოს დამსახურებული ჟურნალისტის, სახალხო განათლების წარჩინებულის საპატიო წოდებები და იაკობ გოგებაშვილის მედალი.

ეს ყველაფერი ასეა და ბევრად უფრო მეტიც, მაგრამ არანაკლები აღიარება აქვს მოპოვებული ძმობა-მეგობრობაში. ის არის ყველასათვის სასურველი თანამშრომელი, **გრიშა საჯაიას** თქმისა არ იყოს, საიმედო, უღალატო კაცია და იმიტომ. რუდუნებით იცის საქმის კეთება, არავის ამადლის თავის შრომას, თუმცა მუდამ სხვებზე მეტს აკეთებდა, ხშირად სხვის საკეთებელსაც. სწორედ მისნაირ კაცებზე იტყვიან, პირზე ოფელადამდინარეაო. დიდებული თანამეინახე იყო ჩვენს დაუფინყარ სუფრებზე...

...მეამაყება, რომ ბევრი დრო მაქვს გატარებული მასთან ერთად. ამ სასიამოვნო ურთიერთობაში წლებმა ისე გაიბრინეს, როგორც „ნაბდით დაქვდილმა ბედაურებმა“ და ამიტომაც გამიკვირდა მისი ოთხმოცი წელი.

ოთხმოცი წელი, ჩემო გურამ, ბევრიც არის და ცოტაც. ბევრია იმისთვის, ვისაც უქმად აქვს გავლილი მისი წუთისოფელი, ხოლო ცოტაა შენნაირი კაცისათვის, ვისაც საქმე და საკეთებელი მუდამ ჰქონდა და კვალავაც ექნება. ამიტომ, გისურვებ დიდხანს შემოქმედებით ცხოვრებას და პირად ბედნიერებას შენს ლამაზ ოჯახთან ერთად.

იაკობ გოგებაშვილის სახელობის პედაგოგიკის ინსტიტუტის მეცნიერ-მკვლევართა სახელითა და დავალებით **ზურაბ ცუცქერიძე**

ოთხი ლექსი კრებულიდან „ჩემი ატასტოლი მე“

დროის მარათ

ისევ გველის გამოცდა,
უიშვილის რეესები,
ენ, ვაგზლებს ვერ გამოცდა
ჩვენი ინტერესები.

ნატო ისევ გვანახებს,
ტოლი ჯეიტობს ტოლითა,
ვაი ჩვენ, თუ გვანახებს
განსახლება ლტოლვილთა.

ენო-კარი მოგვტობის,
დაკბენილი გველისა,
„გასახლადას“ მოტივის
სამეზობლო გველისა.

მიწას უბით ვატარებთ,
ბოგთრეც საბუთს ვინახავთ,
ბოლო მიწა-წყალს ვადარებთ,
სხვა სამშობლო ვინ ნახა?

დაშვება დროის მარათ,
ეს თუ არა, მა რათ?
მერეთ, ჯერ არათ,
გვესმის წარამარათ.

არ გველევა მწყემსები,
თუძე არა ვართ ფარათ,
ვერ დადგინდა წესები,
გვეთ, კმარა, კმარათ!

კიდეცადა

ერთხელ დილით, ზამთრის პიბზე,
ჟინჟლიანხი თოფისას,
„ლიტგანეთში“ მივიტანე
ლექსი, პირველ ყოფლისას.

შემომხედს რედაქტორმა
ისეთნაირი დიმილით,
თავი ვიგრძენ საცვლის შიდა
აწყვეტილი დილივით.

ვდგავარ, ვიცდი ატუზული,
ვიდრე ჩამეს მეტყვიან,
თითქოს ვიყუთ აქ მოსული
ის მტრელი და მე ტყვია.

მივხვდი, შევცდი, ამის შემდეგ
ბოგთრეც ვაფეკარები!
თავი მდებლად დავხარე და
გამოვხურე კარები.

ერთი „ახალგაზრდა“ ბოუტს

ბოუტი ენს უძღვის!
განა რიგს, განა მწყობრს?
თაბუნის ბოუტი მოძმეთ ვერ განაწყობს.
ბოუტი თუ უხდა ვიღაცას მიემზნოს,
ის დღე დაემზნოს!

ბოუტი ბძძანებით ცეკვას რომ დაიწყებს,
ის დღეც დაიწყებს!
ბოუტი თუ უხდა უცხოეთს გაიქცეს,
ის დღე დაიქცეს!

ბოუტი თუ უხდა მლიქნელად გადიქცეს,
ის დღეც დაიქცეს!
ბოუტი თუ უხდა ქუჩაში წაიქცეს,
ის დღეც დაიქცეს!

თუ ყურადღებას ატავის არ იქცევს,
ის დღეც დაიქცეს!
ბოუტი თუ უხდა ასე დაემგას,
იქ ბოუტს უხდა წიერტილი დაესგას!

ლოთბაზარა კმარა

ყოველდღე რომ „ტოსტებს“ მასმეგ,
განა ამდენს ავიტან.
რაც გუშინ თქვი, ამბობ მასმე,
თახაც ლთებს ვერ ვიტან.

გაატანე ქაჩს და ნავაგს,
რაც არ გქონდა, ისიც კი,
მე რას მერჩი, სმას ხომ მიაქვს
საზრუნავი სხვისიც კი.

არ გამოვა, კმათ, მასე,
აი, ჩემი ლოგიკა!
„ფეხზე ქეიფს“ მეც ვაფასებ,
მაგრამ... პედაგოგიკა?

კაცი გქვია, დემეტრე იცის,
არ გეძლება აგ-კარგი...
და, მეც ვუძლებ ამდენ დიციანს,
ძმა ხარ არდასაკარგი.

ალეკო შენგელია - 100

პოეტის ბულთბილი მობრუნება



ანდერძი

იმ პატარა სიყვარულის ცრემლებს ვფიცავ, იმ თეთრ აკვანს, დედარემის ცისფერ თვალებს, ვფიცავ მიწას, ვაჟას გულზე დაყრილ მიწას, რიჟარას ვფიცავ, ნისლებში რომ იფერმკრთალებს;

თუ ჩემს ზეცას, ჩემს მწვერვალებს ცადასრთილილს წაეპარა ყოვლისფერი ღამე მძიმედ, - ამთფრვადთ ხმალი ელვით ანაჟრჟოლი, ვარსკვლავებით მოხარული, მოცმიცმიე.

თუ დავეცე, - ნუ მიტირებთ დანანებით, ნაღველს გულში აზასოდეს გაფიფლებდი, საქართველს ლამაზებთ, მანანებთ, დამაყარეთ თქვენი ფერის ყვავილები.

გული დამაქვს სიყვარულის განახელი, მყვარებია... ჰო, ცრემლებიც მყვარებია; ჩემი ქვეყნის ძველი დარდი და ნაღველი, ხანჯალივით გულში გამიტარებია.

გაღიძებაც შემიძლია აპრილისა, ხარინემის ვაჟაკაჯური დაძახილიც... - შენი ლექსი ქედმაღლურად გაჰყვირისთ, - მეტყვის ვინმე, სტრატეგებზე თავდაზნობილი.

- თათბა ვარ, ავთანდილის გაწაფული, სიყვარული უბით დამიტარებია, ჩემი თეთრი ცისარტყელა, გაზაფხული, თებერვალში აპრილს დამიდარებია...

დავიღუბო.. ნუ მიტირებთ დანანებით... ნაღველს გულში აზასოდეს გაფიფლებდი... ჩემი ქვეყნის ლამაზებთ, მანანებთ, დამაყარეთ გაზაფხულის ყვავილები.

ბამონჯანილ ქართველ პოეტს ალექო შენგელიას დაბადებიდან 100 წელი შეუსრულდა. ამ დღეებში მწერალთა სახლში პოეტის იუბილესადმი მიძღვნილი ხსოვნის საღამო და მისი ახალგამოცემული ნიგნის პრეზენტაცია გაიმართა.

საღამოს უძღვებოდა ჟურნალისტი ივანე ჯაფარიძე. სიტყვით გამოვიდნენ მწერალთა კავშირის საპატიო თავმჯდომარე, გამოჩენილი პოეტი ჯანსუღ ჩარკვიანი, მწერალთა კავშირის თანათავმჯდომარე მაცვალა გონაშვილი, ცნობილი მწერალი გურამ ბათიაშვილი.

უჩვენეს ვიდეომასალა, სადაც თავად პოეტი ალექო შენგელია კითხულობდა საკუთარ ლექსს „ანდერძი“. ასევე მოუსმინეს მურმან ლებანიძეს, რომელიც სიტყვას ამბობდა

ალექო შენგელიას შემოქმედებაზე. მურმანმა ემოციურად წაიკითხა ალექო შენგელიას პოპულარული ლექსი „შველი“. ვიდეოფილმში მწერლები ჯემალ აჯიაშვილი და ოტია იოსელიანი იგონებდნენ პოეტს და პიროვნებას ალექო შენგელიას.

მომღერლებმა თემურ ნიკლაურმა, ნუგზარ კვაშალმა და ბესიკ კალანდაძემ ალექო შენგელიას ლექსებზე შექმნილი მეტად პოპულარული სიმღერები შეასრულეს.

ბოლოს სამადლობელო სიტყვით გამოვიდნენ პოეტის ძმისშვილები გიზო და რამაზ შენგელიები. შვილისშვილი ნათია ქობალია. საღამომ თბილ და სასიამოვნო ატმოსფეროში, „წარსულისადმი ნდობა პატივის“ ნიშნით ჩაიარა.

საკუთარი ინფორმაცია

კაროდიული აზორიზმები

საჯარო

მას დედის ძუძუ ტკბილი არაფრად შერგებია,
მასწავლებლის დახმარება ვისაც დაზარებია.

სწავლის ძირი მწარე არის, კომპიუტერში გატკბილდების?

რომ არ ვინვალო წიგნებით ბევრი, აგერ არ არის კომპიუტერი?

რალა ვჯობა თუ ვარდი, უეკლოდ მოიკრიფების.

წიგნის კითხვა ძნელი არის, კომპიუტერში იოლდების.

საქმის კეთებაა ძნელი, თორემ კრიტიკოსი ბაღდადიდანაც მოვაო.

ამერიკული ჭინჭები ურჩვენია მას მამულსა.

ბრაზას, ბაროზოს, ბილდტს, ნავაროს თუ ფულეს,
გონს მოვეგოთ, ქართველებო, ნუ შევაჭმევთ ჩვენს ფულეს!

ბევრ დაპირებულს ცოტა შესრულებული ვჯობაო.

კინდელი



ნოსტალგია

თქვენს წინაშე წარმოდგენილი ფოტო აფხაზეთიდან დევნილებისა და ასახულია ოჩამჩირის რაიონის სოფ. ახალი კინდლის IX-X კლასელთა ერთი ჯგუფი მშობლიური სკოლის წინ. მაშინ ისინი უსაზღვროდ ბედნიერები იყვნენ, დღეს კი... ზოგიერთი მათგანი ამ სამზეოში აღარ არის. ვინც კი ცოცხალია, იმედით გაჰყურებს ენგურის ბურუსიან ნაპირებს. ტკბილ-მწარე მათი მოგონებები წარსულზე, მშობლიურ სოფელზე.

დგანან მარცხნიდან მარჯვნივ: უცნობი ბიჭი, გელა მიქიაშვილი, იუზა კოპალიანი, ლალი ახვლედიანი, ლიანა რუხაია, შოია კვარაცხელია, ლილა ქობალავა, ლუიზა ჩორგოლიანი, ადელინა ჩიქოვანი, ნ. ახალაია.

სხედან: ზურაბ ქობალია, ნ. დანელია (?) მათემატიკის მასწავლებელი რეზო მატუა, ბიოლოგიის მასწავლებელი ნაპო გერგედავა, ლ. სურმავა (?) მურმან მოველადე.

ფოტო მოგვანოდა დამსახურებულმა პედაგოგმა ნაპო გერგედავამ.

ნომრის რედაქტორი
ბორის მიშვილაძე

სახალხო განათლება
№6 (4503)
10 დეკემბერი, 2014 წელი
გაზეთი გამოდის 1928 წლიდან

რ ე დ კ მ ლ ე ბ ი ა

ზურაბ ქობალია (თავმჯდომარე) 599 34-37-27; ნათელა ქიმერიძე 595 58-45-72; ბორის მიშვილაძე 555 59-60-50; რომან მოსეშვილი 599 34 41 41; ნათია გურგენიძე 593 42-22-58; ეკა მამუკაშვილი 557 20-85-04

E-mail: sakhalkho.ganatileba@gmail.com

ტელ: (0 32) 2 99 80 00
(0 32) 2 98 48 07; (0 32) 2 99 63 52

ISSN 1987-9113

